



Na osnovu člana 15. Zakona o principima lokalne samouprave u Federaciji Bosni i Hercegovini („Službene novine Federacije Bosne i Hercegovine“, broj: 49/06 i 51/09), člana 27. stav 1. tačka c) Zakona o lokalnoj samoupravi USK-a („Službeni glasnik Unsko-sanskog kantona“, broj 8/11), člana 123. Statuta Općine Bužim („Službeni glasnik Općine Bužim“, broj: 12/15), , Općinski načelnik općine Bužim, donosi:

ODLUKU

O uspostavi – Modela sufinansiranja mjera poboljšanja energetske efikasnosti u stambenom sektoru Općine Bužim

Član 1.

U skladu sa mjerama definisanim „Akcionim planom održivog upravljanja energijom i prilagođavanja klimatskim promjenama (SECAP) općine Bužim za period do 2030. godine“ i projektu UNDP BiH, „Izrada finansijskog mehanizma za implementaciju mjera energetske efikasnosti rezidencijalnog sektora u 12 gradova/općina u BiH usvaja se Model sufinansiranja mjera poboljšanja energetske efikasnosti u stambenom sektoru općine Bužim definisan Operativnim priručnikom koji je sastavni dio ove odluke.

Član 2.

Operativni priručnik za finansijski mehanizam – Model sufinansiranja mjera poboljšanja energetske efikasnosti u stambenom sektoru općine Bužim definiše principe rada, operativne procedure i pravila primjene Modela, te daje uputstva svim akterima, kako unutar formalne strukture Općine tako i trećim stranama. Nadalje, Priručnik se definišu priprema, razvoj, način finansiranja i implementacije projekata, uključujući i verifikaciju i izvještavanje, te druge postupke potrebne za funkcionisanje modela

Član 3.

Općina Bužim u skladu sa raspoloživim sredstvima i prema usvojenom Modelu sufinansiranja mjera poboljšanja energetske efikasnosti u stambenom sektoru općine Bužim raspisuje javne pozive i realizuje najprioritetnije mjere poboljšanja energetske efikasnosti u stambenom sektoru općine Bužim.

Član 4.

Sadržaj Operativnog priručnika, uključujući anekse, po ukazanoj potrebi može modifikovati ili poništiti općina Bužim, Općinski Načelnik.

Član 5.

Odluka stupa na snagu danom donošenja, a objavit će se u Službenom glasniku općine Bužim i Web stranici općine Bužim


Obrađivač, Krupić Senad

Dostavljeno:

- Koordinatoru (K. Senad)
- Službeni glasnik
- Web stranica općine Bužim
- Arhiva

Broj: 02-04-3372/23

Bužim, 20.09.2023. god.



OPĆINSKI NAČELNIK

Mersudin Narić, dipl. ing. inf.